

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«----» ----- 2023թ.

N-----Ա

ՈՐՈՇՈՒՄ

**ԱՐԱՐԱՏ ՍԱՀԱԿՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ**

Հիմք ընդունելով Հայաստանի Հանրապետության կառավարության 1999 թվականի օգոստոսի 31-ի N 551 որոշմամբ հաստատված կարգի 2-րդ կետը՝

Երևան քաղաքի ավագանին որոշում է.

1. Տալ համաձայնություն ՀԽՍՀ և ԽՍՀՄ վաստակավոր շինարար Արարատ Սահակյանի հիշատակը հավերժացնող հուշատախտակը Բազրատունյաց փողոցի հ.34Ա հասցեում փակցնելու համար:

ԵՐԵՎԱՆԻ ՔԱՂԱՔԱՊԵՏ

ՏԻԳՐԱՆ ԱՎԻՆՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

«ԱՐԱՐԱՏ ՍԱՀԱԿՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Արարատ Սահակյանը ծնվել է 1930 թվականի հուլիսի 21-ին Սիսիանի շրջանի Սալվարդ գյուղում: Սովորել է ծննդավայրի դպրոցում՝ ստանալով 6-ամյա կրթություն:

1946 թվականին ընտանիքով տեղափոխվել է Երևան՝ մշտական բնակություն հաստատելու նպատակով: Նույն թվականին ընդունվել է աշխատանքի «Հայսնունդարտչինտրեստում» որպես ատաղձագործի օգնական: 1947 թվականի հունվարին ստացել է 6-րդ կարգի ատաղձագործի որակավորում:

1964 թվականին աշխատանքի է ընդունվել է «Հայքիմշին» տրեստում որպես մոնտաժ անող:

1965 թվականին կառուցել է «Երքիմշին» տրեստի բազմաբնակարան շենքը /հասցե՝ Բագրատունյաց փող.34Ա/, որտեղ հետագայում բնակվել է նրա ընտանիքը:

1967 թվականին ստացել է 6-րդ կարգի մոնտաժ անողի որակավորում:

1970 թվականին նույն տրեստում նշանակվել է կոմպլեքսային բրիգադի բրիգադավար:

1970-2000 թվականներին իր բրիգադով մասնակցել է երևան քաղաքի խոշոր ճարտարապետական կառույցների կառուցմանը, որոնք են՝

- 1) Երևանի Կ. Դեմիրճյանի անվան մետրոպոլիտենի բոլոր կայարանները,
- 2) Երևանի Կ. Դեմիրճյանի անվան մարզահամերգային համալիրը,
- 3) Երևանի «Ռոսիա» կինոթատրոնը,
- 4) Արդյունաբերական խոշոր գործարաններ՝ թվով 12,
- 5) Բազմաբնակարան շենքեր՝ թվով 28:

1987 թվականին երկարատև և բարեխիղճ աշխատանքի համար ԽՍՀՄ Գերագույն խորհրդի կողմից պարգևատրվել է «Աշխատանքի վետերան» շքանշանով:

1988 թվականին ներկայացվել է «Աշխատանքային հերոս» բարձր կոչմանը, սակայն ԽՍՀՄ-ի փլուզման պատճառով չի իրականացվել:

Արարատ Սահակյանն իր ղեկավարած շինարարական բրիգադով աշխատել է հայտնի ճարտարապետներ Արթուր Թարխանյանի, Հրաչյա Պողոսյանի, Սպարտակ Խաչիկյանի, Սաշուկ Թալաշյանի հետ, որոնք շատ բարձր են գնահատել նրա աշխատանքը:

Արարատ Սահակյանը մահացել է 2013 թվականին:

Արարատ Սահակյանի հիշատակը հավերժացնող հուշատախտակը Բագրատունյաց փողոցի հ.34Ա հասցեում փակցնելու վերաբերյալ միջնորդություն է ներկայացվել նրա որդու՝ Արմեն Սահակյանի կողմից: Հուշատախտակի պատրաստման և տեղադրման ֆինանսական ծախսերը կատարելու է Արարատ Սահակյանի ընտանիքը:

Հաշվի առնելով վերոգրյալը և հիմք ընդունելով Հայաստանի Հանրապետության կառավարության 1999 թվականի օգոստոսի 31-ի «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» N 551 որոշմամբ հաստատված կարգի 2-րդ կետը՝ Երևան քաղաքի ավագանու քննարկմանն է ներկայացվում սույն որոշման նախագիծը:

ԵՐԵՎԱՆԻ ՔԱՂԱՔԱՊԵՏ

ՏԻԳՐԱՆ ԱՎԻՆՅԱՆ